


Biografieto de Robert Schuman

Robert Schuman naskiĝis la 29an de Junio 1886 en Clausen en la Grand-Duklando de Luksemburgo. Lia patro estis mozelano kaj lia patrino luksemburga. Li studis en Luksemburgo, Metz, Bonn, Munkeno, Berlino kaj Strasburgo. Li ricevis la jur-doktorecon dum 1910 kaj malfermis advokatejon en Metz en 1912.



Dum li estis studento, li aliĝis al la katolika movado Unitas. La episkopo de Metz, Monsinjoro Benzler, konfidis al li la prezidantecon de la dioceza Federacio de la Junularaj Grupiĝoj en 1913.

Post la Unua Mondmilito, li ekis sian politikan karieron. En 1918, li estis nomumita ĉe la provizora municipa Komisiono de Metz, kaj en 1919, li estis elektita deputito de Mozelo: tiun mandaton li konservis ĝis 1940. Komence de la Dua Mondmilito, de Marto ĝis Julio 1940, li estis ŝtata sub-sekretario por la rifuĝintoj. Li estis arestita de la Gestapo en Metz en Septembro 1940 kaj estis metita en garditan rezidejon en Neustadt (Palatinato) en Aprilo 1941. Li elglitis dum 1942 kaj ekde tiam vivis kaŝite.


Post la milito, li retrovis sian deputitan sidilon, kiel kandidato de la Populara Respublika Movado (M.R.P.). Schuman tiam ekis brilan ministran karieron. En 1946, li iĝis financa ministro, kaj ĉefministro de 1947 ĝis 1948. Sed precipe kiel ministro de la Eksterlandaj Aferoj de 1948 ĝis 1952 li famiĝis pro sia laboro por la eŭropa konstruado. Tiel, en 1948, li engaĝis Francion en la konstruadon de la Eŭropa Organizo de Ekonomika Kunlaboro (O.E.C.E.). Li traktis kun siaj eŭropaj partneroj kaj Usono la Bruselan interkonsenton (1948) kaj la Atlantikan pakton (1949) kiu kondukis al la kreo de N.A.T.O. ekde 1952.

La 9an de Majo 1950, li anoncis en sia historia deklaro la konstruadon de Eŭropo surbaze de raporto de Jean Monnet (1888-1979) kiun oni nomas de tiam la plano Schuman. Post unu jaro, oni kreis la Eŭropan Komunumon de Karbo kaj Ŝtalo (O.E.C.E.), kiel unua paŝo al la Komuna Merkato.

Li rezignis la ministrecon ekde 1953. Schuman fariĝis ankaŭ nelacigebla disvastiganto de la eŭropa ideo. Li multe prelegis kaj eldonis dum 1963 verkaĵon

Biografieto de Robert Schuman

Robert Schuman naskiĝis la 29an de Junio 1886 en Clausen en la Grand-Duklando de Luksemburgo. Lia patro estis mozelano kaj lia patrino luksemburga. Li studis en Luksemburgo, Metz, Bonn, Munkeno, Berlino kaj Strasburgo. Li ricevis la jur-doktorecon dum 1910 kaj malfermis advokatejon en Metz en 1912.



Dum li estis studento, li aliĝis al la katolika movado Unitas. La episkopo de Metz, Monsinjoro Benzler, konfidis al li la prezidantecon de la dioceza Federacio de la Junularaj Grupiĝoj en 1913.

Post la Unua Mondmilito, li ekis sian politikan karieron. En 1918, li estis nomumita ĉe la provizora municipa Komisiono de Metz, kaj en 1919, li estis elektita deputito de Mozelo: tiun mandaton li konservis ĝis 1940. Komence de la Dua Mondmilito, de Marto ĝis Julio 1940, li estis ŝtata sub-sekretario por la rifuĝintoj. Li estis arestita de la Gestapo en Metz en Septembro 1940 kaj estis metita en garditan rezidejon en Neustadt (Palatinato) en Aprilo 1941. Li elglitis dum 1942 kaj ekde tiam vivis kaŝite.

Post la milito, li retrovis sian deputitan sidilon, kiel kandidato de la Populara Respublika Movado (M.R.P.). Schuman tiam ekis brilan ministran karieron. En 1946, li iĝis financa ministro, kaj ĉefministro de 1947 ĝis 1948. Sed precipe kiel ministro de la Eksterlandaj Aferoj de 1948 ĝis 1952 li famiĝis pro sia laboro por la eŭropa konstruado. Tiel, en 1948, li engaĝis Francion en la konstruadon de la Eŭropa Organizo de Ekonomika Kunlaboro (O.E.C.E.). Li traktis kun siaj eŭropaj partneroj kaj Usono la Bruselan interkonsenton (1948) kaj la Atlantikan pakton (1949) kiu kondukis al la kreo de N.A.T.O. ekde 1952.

La 9an de Majo 1950, li anoncis en sia historia deklaro la konstruadon de Eŭropo surbaze de raporto de Jean Monnet (1888-1979) kiun oni nomas de tiam la plano Schuman. Post unu jaro, oni kreis la Eŭropan Komunumon de Karbo kaj Ŝtalo (O.E.C.E.), kiel unua paŝo al la Komuna Merkato.

Li rezignis la ministrecon ekde 1953. Schuman fariĝis ankaŭ nelacigebla disvastiganto de la eŭropa ideo. Li multe prelegis kaj eldonis dum 1963 verkaĵon

titolitan Pour l'Europe (Por Eŭropo) en kiu li sintezis siajn ideojn.

La 27an de Marto 1957, ses eŭropaj landoj subskribis la traktaton de Romo kiu starigis la Komunan Merkaton. Post unu jaro, dum la unua kunveno de la parlamenta eŭropa Asembleo, Robert Schuman estis elektita prezidanto. En 1960, ĝi atribuis al li unuanime la titolon de Patro de Eŭropo.

Malsana, li emeritiĝis ĉe Scy-Chazelles en 1960. Li mortis la 4an de Septembro 1963.

La domo de Robert Schuman, en Scy-Chazelles, apud Metz

Dum printempo 1926 Robert Schuman aĉetis tiun bienon en Scy-Chazelles, surdekklive de la monto Sankta Quentin kiu superstaras la mozelan valon. Tiu rura senornam-arkitektura domo, karakteriza de la vilaĝoj de la riĉa metza lando, estas modeste meblita kaj atestas la simplajn gustojn de ĝia mastro.



La loĝeja domo datiĝas sendube de la fino de la 18a jarcento aŭ la eko de la 19a. Ĝi havas du etaĝojn. La teretaĝo, lumigita per malgrandaj fenestroj, estas malalta subplafone, ĉar la ĉefaj loĝĉambroj estas en la alia etaĝo, lumigitaj per grandaj fenestroj. La pilieroj, la pordaj linteloj kaj eĉ la ĉefpordo estas senornamaj kaj senmodluraj. La apuddoma konstruaĵeto pli freŝdatas, ĝi entenas la kuirejon.

La domo estis entute renovigata dum 2004 laŭ arkivaj dokumentoj, fotografaĵoj kaj atestoj. Tiu renovigado ebligis trovi la apartan etoson regintan en tiu loĝejo fine de la 1960aj jaroj, kie enmiksiĝis humileco kaj libropasio.

Ĉe la eniro troviĝas impona konstruaĵo nomita la Pordistejo, nobela domo Renesanc-epoka, en kiu ne loĝis Robert Schuman sed lia ĝardenisto.

fontoj: Conseil Général de la Moselle, www.cg57.fr esperantigis Salomé Hug
<http://breviero.org/robert-schuman/>

titolitan Pour l'Europe (Por Eŭropo) en kiu li sintezis siajn ideojn.

La 27an de Marto 1957, ses eŭropaj landoj subskribis la traktaton de Romo kiu starigis la Komunan Merkaton. Post unu jaro, dum la unua kunveno de la parlamenta eŭropa Asembleo, Robert Schuman estis elektita prezidanto. En 1960, ĝi atribuis al li unuanime la titolon de Patro de Eŭropo.

Malsana, li emeritiĝis ĉe Scy-Chazelles en 1960. Li mortis la 4an de Septembro 1963.

La domo de Robert Schuman, en Scy-Chazelles, apud Metz

Dum printempo 1926 Robert Schuman aĉetis tiun bienon en Scy-Chazelles, surdekklive de la monto Sankta Quentin kiu superstaras la mozelan valon. Tiu rura senornam-arkitektura domo, karakteriza de la vilaĝoj de la riĉa metza lando, estas modeste meblita kaj atestas la simplajn gustojn de ĝia mastro.



La loĝeja domo datiĝas sendube de la fino de la 18a jarcento aŭ la eko de la 19a. Ĝi havas du etaĝojn. La teretaĝo, lumigita per malgrandaj fenestroj, estas malalta subplafone, ĉar la ĉefaj loĝĉambroj estas en la alia etaĝo, lumigitaj per grandaj fenestroj. La pilieroj, la pordaj linteloj kaj eĉ la ĉefpordo estas senornamaj kaj senmodluraj. La apuddoma konstruaĵeto pli freŝdatas, ĝi entenas la kuirejon.

La domo estis entute renovigata dum 2004 laŭ arkivaj dokumentoj, fotografaĵoj kaj atestoj. Tiu renovigado ebligis trovi la apartan etoson regintan en tiu loĝejo fine de la 1960aj jaroj, kie enmiksiĝis humileco kaj libropasio.

Ĉe la eniro troviĝas impona konstruaĵo nomita la Pordistejo, nobela domo Renesanc-epoka, en kiu ne loĝis Robert Schuman sed lia ĝardenisto.

fontoj: Conseil Général de la Moselle, www.cg57.fr esperantigis Salomé Hug
<http://breviero.org/robert-schuman/>